

Hylli i Dritës

Ubi Spiritus Domini, ibi libertas.

(-II ad Cor. III, 17-)

1. Lirija e zgjedhjeve e obstrukcjonizmi i „Opozitës“	Fq. 433
2. Para fetar a komtar?	448
3. Çashtja e Vojit të gurit	457
4. Kanûni i Lekë Dukagjinit	471
5. Revista e shtypit	474
6. Lajme	477
7. Bibljografi	480

SHKODER
Shtypshkroja Franciskane
1923

Posta e jonë.

1. **Wien.** Pr. Dr. N. J. — E muerem kartolinen t'Uej. Do t'ja U dergojmë Nr. e „Hyllit“, qi dishroni — Libri i Juej na kà rà në dorë. U falëna nderës fort per të.

2. **Tiranë.** K. D. — Êmnin t'Uej e vûme m'listë të pajtimtarve t'onë. Na lajmoni, a doni të gjith numrat e vjetit 1923, a pò doni të pajtohëni vetëm per muej qi do të vijnë tash e mrapa. Tash per tash nuk kemi perfaqshues në Tiranë. U falëna nga zemëra.

3. **Lesh.** Q. G. — Letren çarkore t'Uejen e muerem. Me gzim do t'ja U çojmë dishirin në vend në Nr. të Ndandorit. Gajretni e mos e lshoni!

4. **Krume.** T. Z. — Pajtimi na kje dorzue me kohë. U falëna nderës.

5. **Ersekë.** C. V. — Letra na rà në dorë, por pa të holla mbrendë: Ndoshta p'se letra s'kishte pasë kë në e impostueme me sharte të duhuna.

6. **Krumë.** M. P. — Pajtimin e kemi marrë. Perkohshmjja u dergohet rregullisht. Do t'ishte mirë të merreni vesht me zyre të Postës.

HYLLI I DRITËS

Vjeta IV.

TETUER 1923

Numri X.

Lirija e zgjedhjeve e obstrukcionizmi i „Opozitës“.

I.

Kajherë, dër sà kallamoqi kà bâ kokerr, por enë s' âsht pjekë mirë n' arë, malcorët e katundarët, kuer jesin verës pa bukë, korrin do ksi kallamoqi, e pse i njomë, ky s' shihet as bluhet, e thajné në furrë, e kshtû gatuejn buken me të. E vertetë se buka s' del fort e mirë, veç se, mos tjetër, me të majné frymen gjallë, dër sa kallamoqi tjetër të piqet vedit n' arë.

Kshtû kishim me thënë na, se âsht edhë puna e jetës parlamentare në Shqypni. E vertetë qi populli shqyptar enë s' âsht pjekë mirë per ket jetë parlamentare, por mbasi mnorjet e kohës e të situatës së politikës nderkomtare sod per sod ja tatojnë ket formë politike Shteti, Shqyptarët janë të detyruem me e mbajtë e kurrsesi mos me ju shmangë; pse, ço-rrxo kshtû një herë s' pari, do të fitojné kohë, e me kohë e me punë, pöpulli do të piqet, do të regjet e i zoti do të bâhet, me u qeverisë mbas formet konstytucjonale e demokratike të komeve tjera të gjytetnueme. Pra zgjedhja e parlamentarve per në âsht një çashtje komtare, një çashtje kryekput gjallnore, per të cillen — i madh e i vogel — e kemi detyrë me u interesue e me u orvatë, qi kto zgjedhje të dalin sa mâ të dobiëshme per ekzistencen e perparimin e Shtetit t' onë.

E mbì kto parime, thomë na, sugurisht do të kenë kënë

pshtetë Deputetent t' onë at ditë, qi tuj u rrahë aq me të xët çashtja e ligjës elektorale në Parlament, grupet e „Opozitës“ bân obstrukcionizm e duelen prej anet parlamentare. Do t' u kët kë në dukë atyne, se vendimet e projektit të ksajë ligje, paraqitë prej Qeverijet, nuk sugurojshin si duhej e sa e lypte e mîra e Shtetit rrezultatit e zgjedhjevet per Asemblên Konstituante, qi per sê shpejti do të mblidhet e do të vendojë mbi formen politike definitive të Shtetit t' onë, e prandej kân ndezë, si me thânë, fyshekun mâ të mbramë e kan dalë jashta logut të kuvendit. Por, pse na jemi dorjashtë e s'i perkasim as njanës nder parti politike të Parlamentit, ktû duem me e kthellue e me e analizue çashtjen sa mâ imtë, qi të diejm se në të cillen ânë struket e drejta, e kshtû, në nji çashtje kaq me randsi, mos të shkojmë tuj ravkue, si të verbtë, neper erresinë pajamajtse të partive në kundershjim njana me tjetren.

II.

Per me i ardhë punës mâ me rend e rregull, ktû mâ para do të bâmjë historikun e ksajë çashtje të ligjës elektorale, tuj thânë, se si u end puna e sajë në Parlament.

Tue pase vendue Parlamenti në marim të sesjonit të parë të ktij vjeti mbledhjen e Asemblës Konstituante, Kshilli i Naltë grishi Deputetent në nji mbledhje të jashtzakonshme, per me bâ ligjen elektorale të ksajë Asembleje. Qeverija paraqiti projektin e ligjës, edhë Parlamenti ja dorzoj komisionit të Drejtsis e komisionit t'Administrates per shqyrtim. Kto dyë komisjone parlamentare, të mbledhuna tok, bânë kater ndryshime themellore në projekt të Qeveris. Nder sa vendime qi bite projekti i Qeveris, ishin edhë kto: m' pesqind frymë me u zgjedhë nji elektor, e m' dhetë mji nji deputat, e se edhë zgiedhja do të bâhej me skeda ase pustulla. Per ushtri e zhendarmeri nuk thote gjâ, se do të veprite a jo ditën e elekcjoneve, per të ruejtun qetsin e vendit. Per kundra, Komisionet, me shumicë të madhe zanash, venduen, a) qi m'njiqind frymë

